



Bentiaraq Ottosen

UPA 2026/159-1

Atassut

23. April 2026

Ittoqqortoormiini umiarsualivissamik nutaamik Naalackersuisut sanaartornissamut pilersaarusiornissamut (projektering) peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Mette Arge-Hammeken, Naleraq)

Nunatta kangiani attaveqaasersuutit pisariaqavissut pingaarutilimmik siunissami inissisimasussaapput, Ittoqqortoormiini umiarsualivortoqarnissaanut kissaateqarnerup nunap immikkoortuini attaveqaasersuutitigut ineriartortitsinermut iluaqutaasasoq Atassummiit isiginngitsuusaarusunngilarput.

Nuna tamakkerlugu ineriartornissaanut sukumiisumik iliuuseqarsinnaanerput pivusorsiortuusoq oqaatigisariaqarparput, inoqarfiit isorliunerusut ineriartortinnissaannut pingaarutilimmik inissisimanissaa Atassummit pingaartilluinnarparput. Kalaallit Nunaat isorartuujuvoq attaveqaatersuutit pitsaanagerusumik ineriartortissagutsigit inoqarfiit ineriartornissaannut inuiaqatigiit isumaqarluartilertariaqarpagut, naluneqanngitsutummi Ittoqqortoormiini aamma mittarfimmik sanaartortoqartussanngorpoq. Tamanna pivusorsiortuuvoq ineriartornerup malitsigisaanik imaatigut silaanakkullu attaveqaatitigut inerisaanissaq.

Ittoqqortoormiini upalungaarsimanikkut nunatta avannaarsuani qitiusumik inissisimasinnaanera siunissami takorloorneqarsinnaavoq, massakkut issittoq nunarsuarmioqatitsinnik uukkatarineqartillugu pingaarutilimmik inissisimanera oqaatiginngitsoorusunngilarput. Atassummiit qiviarusupparput nuna tamakkerlugu attaveqaasersuutit pisariaqavissortut inerisarneqarnissaat, malinnaatinnissaallu teknologiip ineriartorneranut qulakkeerittungortillugit.

Periarfissat taamatut ittut aningaasarsiornikkut ineriartortitsisussat itigartiinassallugit inissittarneq inoqarfinni isorliunerusutut taaneqartartuni pinngitsoorneqarsinnaanngillat. Atassummiit pingaartipparput nunatsinni upalungaarsimanikkut pitsaasumik ineriartortitsinissatsinnut, pingaartuuvorli projektering pilersiinarnagu timitaliinissaq. Taamaattumik Atassummiit allannguutissatut siunnersuummik qaqitsinissatsinnut pisussaaffeqalerluta oqariartuuteqarpugut.

“Ittoqqortoormiini umiarsualivissamik nutaamik sanaartornissaq qulakkeerumallugu pilersaarusiornissaq pillugu siunissami upalungaarsimanikkut attaveqaasersuutit pisariaqavissut pillugit inissisimanissaa qulakkeerneqassasoq UKA2028-imi saqqummiunneqarnissaanut Naalackersuisut peqquneqarnissaannik Inatsisartut aaliangiiffigisassaattut siunnersuut”.

Taamatut allannguutissatut siunnersuummik qaqitsinitsinni Atassummiit pivusorsiortuusoq oqariartuutigaarput. Pisariaqartinneqarporli tamanna timitalerlugu



piviusunngortinneqartariaqarnera, umiarsualivissap tunisassiornerup tungaatigut atuunnarnani aamma upalungaarsimanikkut sillimaniarnikkullu atorneqarsinnaanera siunissami erseqqissaassutigaarput.

Taamatut oqaaseqarluta allannguutissatut siunnersuummik qaqipparput Sanaartornermut ataatsimiititaliamut innersuullugu.